

Buk Song o Sam 68:1 God i ken kam hariap na rausim nabaut ol birua bilong en. Ol man i save birua long God, ol i mas ranawe long em.

Buk Song o Sam 5:9,10 Ol birua bilong mi i no save tok tru liklik. Ol i tingting tasol long bagarapim ol arapela man. Maus bilong ol i olsem matmat i op i stap. Ol i mekim planti tok gris bilong pulim ol man long bihainim ol pasin ol i laikim. 10 God, yu ken kotim ol na mekim save long ol. Paulim ol tingting nogut bilong ol. Ol i save bikhet long yu na mekim planti sin, olsem na yu ken rausim ol i go longwe long pes bilong yu.

Buk Song o Sam 7:1,2 Devit i bel hevi long pasin wanelpa man bilong lain Benjamin, nem bilong en Kus, i mekim long em, olsem na em i singim dispela beten long Bikpela. 1 God, Bikpela bilong mi, mi kam long yu na mi hait long ol birua. Yu helpim mi, na bai ol man i ranim mi ol i no ken kilim mi i dai. Yu kisim bek mi bai mi no bagarap. 2 Nogut ol i bagarapim mi olsem laion i brukim skin bilong man. Nogut ol i pulim mi i go long wanelpa hap na i no gat man inap kisim bek mi.

Buk Song o Sam 11:6 Em i kapsaitim hatpela paia moa antap long ol man nogut. Na em i mekim save bonim skin bilong ol. Dispela em i pe bilong ol.

Buk Song o Sam 18:2 Bikpela em i strongpela banis bilong mi. Em i olsem ston i haitim mi, na em i save kisim bek mi long han bilong ol birua. God bilong mi em i olsem bikpela ston mi save go long en na hait long ol birua. Bikpela i olsem hap plang bilong mi na em i haitim mi long ol birua. Em i gat strong bilong kisim bek mi na lukautim mi. Em i olsem strongpela banis bilong mi.

Buk Song o Sam 18:14 Em i mekim lait bilong klaut i kamap olsem ol spia bilong en, na em i sutim ol birua na ol i ranawe nabaut.

Buk Song o Sam 18:17 Ol birua bilong mi i strong tru na mi no inap winim ol. Tasol Bikpela i kisim bek mi long han bilong ol.

Buk Song o Sam 18:39 Yu givim mi strong bilong pait. Na yu putim ol birua long han bilong mi, na mi winim ol.

Buk Song o Sam 18:45 Strong bilong ol i lus pinis, na ol i lusim ol strongpela taun bilong ol, na ol i guria guria i kam long mi.

Buk Song o Sam 18:48 Na em i kisim bek mi long han bilong ol birua. Tru tumas, Bikpela, yu bin givim biknem long mi long ai bilong ol birua bilong mi. Yu bin helpim mi na ol man bilong pait i no kilim mi i dai.

Buk Song o Sam 23:3 Em i givim mi nupela strong. Na em i save bringim mi long ol gutpela rot, olsem em i tok bipo long mekim.

Buk Song o Sam 27:11 Bikpela, yu ken lainim mi long samting yu laik bai mi

mekim. Mi gat planti birua i stap, olsem na yu ken bringim mi long gutpela rot.

Buk Song o Sam 31:15 Oltaim mi save stap long han bilong yu. Yu mas kisim bek mi long han bilong ol birua na bilong ol man i ranim mi. Nogut ol i bagarapim mi.

Buk Song o Sam 34:4 Mi bin beten long Bikpela bai em i helpim mi, na em i harim prea bilong mi. Em i rausim olgeta pret long bel bilong mi, na nau mi stap bel isi.

Buk Song o Sam 34:7 Ensel bilong Bikpela i save stap klostu long ol manmeri i aninit long Bikpela, na em i save helpim ol bai ol i no kisim bagarap.

Buk Song o Sam 34:13 Sapos yu laik i stap olsem, orait yu no ken mekim tok nogut, na yu no ken tok giaman.

Buk Song o Sam 34:17-19 Ol stretpela manmeri i save beten long Bikpela na em i save harim ol. Em i save helpim ol na hevi i no daunim ol. 18 God i save stap klostu long ol manmeri i gat hevi. Na em i save helpim ol manmeri bilip bilong ol i bagarap. 19 Plant i hevi i save kamap long stretpela man, tasol Bikpela i save helpim em na ol dispela hevi i no daunim em.

Buk Song o Sam 35:1-8 Bikpela, yu mas krosim ol man i gat kros long mi. Yu mas pait long ol man i save pait long mi. 2 Kisim klos pait wantaim hap plang bilong pait, na kam helpim mi. 3 Kisim spia na akis na kam pait long ol man i ranim mi. Yu tokim mi olsem, yu man bilong helpim mi. 4 Ol dispela man i laik kilim mi i dai. Yu mas winim ol long pait na mekim ol i sem. Ol i pasim tok bilong bagarapim mi. Yu mas ranim ol na paulim ol tru. 5 Bikpela, ensel bilong yu i ken rausim ol dispela man nogut, olsem win i rausim pipia gras. 6 Ensel bilong yu i ken ranim ol i go, na mekim rot bilong ol i kamap tudak na i wel nogut. 7 Mi no bin mekim rong long ol, tasol ol i haitim umben bilong bagarapim mi. Na ol i wokim wanpela hul bilong mi ken pundaun long en. 8 Tasol taim ol i no save yet, yu mekim bagarap i kisim ol. Na dispela umben ol i putim bilong bagarapim mi, yu mekim ol yet i bagarap long en. Na ol yet bai i pundaun long dispela hul ol i wokim.

Buk Song o Sam 35:10 Na bai mi tenkyu tru long God na tok olsem, “Bikpela, i no gat wanpela olsem yu. Yu save helpim gut ol man i no gat strong, na ol man i strong tumas i no inap bagarapim ol.”

Buk Song o Sam 36:7-9 God, sori bilong yu i gutpela tumas, na mipela i save laikim tru. Olsem na ol manmeri nabaut i save go long yu na hait, olsem ol pikinini kakaruk i save hait aninit long wing bilong mama kakaruk. 8 Yu gat planti kaikai long haus bilong yu, olsem na ol manmeri i no sot long kaikai. Ol gutpela samting bilong yu i moa yet olsem bikpela wara, na yu givim ol bilong dring. 9 Yu as tru bilong laip bilong olgeta samting. Na yu

as bilong lait. Mipela i save kisim lait long yu tasol, na mipela i stap gut.
Buk Song o Sam 37:5 Yu mas putim laip bilong yu long han bilong Bikpela.

Bilip strong long em, na em bai i helpim yu.

Buk Song o Sam 37:23 Bikpela i save stiaim wokabaut bilong ol manmeri.

Sapos em i laikim pasin bilong wanpela man, em i save strongim em long wokabaut stret.

Buk Song o Sam 37:40 OI i save bilip long em, olsem na em i save helpim ol.

Em i save kisim bek ol long han bilong ol man nogut, na ol i stap gut.

Buk Song o Sam 39:1 Mi tok pinis olsem, mi bai was gut long olgeta pasin mi mekim. Nogut mi mekim sin long toktok bilong mi. Taim ol man nogut i stap klostu long mi, bai mi no ken mekim wanpela tok.

Buk Song o Sam 41:4 Tasol mi yet mi tok olsem, "Bikpela, mi bin mekim sin long yu. Tasol yu ken marimari long mi, na pinisim sik bilong mi."

Buk Song o Sam 42:5,11 Bilong wanem mi bel hevi oltaim? Bilong wanem bel bilong mi i kirap nogut? Mi mas bilip long God na wetim em i helpim mi. Em i God bilong mi na em i save helpim mi. Olsem na bai mi litimapim nem bilong en gen. 11 Bilong wanem mi bel hevi oltaim? Bilong wanem bel bilong mi i kirap nogut? Mi mas bilip long God na wetim em i helpim mi. Em i God bilong mi na em i save helpim mi. Olsem na bai mi litimapim nem bilong en gen. (Buk Song o Sam 43:5)

Buk Song o Sam 43:1 God, ol man i save givim baksait long yu, ol i laik daunim mi. Yu mas helpim mi na katim tok nogut bilong ol, na soim ol olsem mi mekim gutpela pasin tasol. OI i man bilong tok giaman, na pasin bilong ol i no stret. Yu mas helpim mi na kisim bek mi long han bilong ol.

Buk Song o Sam 44:4 Yu king na God bilong mi. Yu tok na ol lain bilong Jekop i save winim pait.

Buk Song o Sam 51:4 Mi mekim sin long yu wanpela tasol. Mi mekim pasin nogut long ai bilong yu. Olsem na yu mekim stretpela pasin tasol na yu kotim mi na yu bekim sin bilong mi.

Buk Song o Sam 52:5 Tasol harim. God bai i bagarapim yu olgeta. Em bai i holimpas yu na rausim yu long haus bilong yu. Na bai em i pinisim yu olgeta na yu no ken i stap moa long graun.

Buk Song o Sam 54:7 Yu bin helpim mi, na olgeta hevi i kamap long mi i no daunim mi. Na mi lukim yu i bagarapim ol birua bilong mi.

Buk Song o Sam 55:18 Planti man i save pait long mi. Tasol mi no kisim bagarap, long wanem, God i lukautim mi na bringim mi i kam bek gen.

Buk Song o Sam 59:2 Yu mas rausim mi long han bilong ol man nogut, na kisim bek mi long han bilong ol man i laik kilim mi i dai.

Buk Song o Sam 60:12 Sapos God i helpim mipela, bai mipela i winim pait. Em yet bai i daunim ol birua bilong mipela.

Buk Song o Sam 63:11 Tasol mi king, bai mi amamas long yu, God. OI man i

mekim promis long nem bilong yu long ol bai i bihainim yu, ol i ken amamas tru. Tasol bai yu pasim maus bilong ol man bilong giaman.

Buk Song o Sam 66:3 Yumi tokim God olsem, “Olgeta samting yu save mekim em i nambawan tru. Strong bilong yu i bikpela moa, olsem na ol birua bilong yu ol i pret tumas, na ol i brukim skru long ai bilong yu.”

Buk Song o Sam 68:6 Em i save givim haus long ol man na meri i stap wanpis na bai ol i sindaun gut long en. Na em i save pinisim kalabus bilong ol kalabusman na ol i stap gut long ples. Tasol ol bikhetman bai i go i stap long ples nogut tru.

Buk Song o Sam 68:35 God bilong Israel i stap long haus bilong en, na yumi mas pret long God. Em i save givim bikpela strong long ol manmeri bilong en. Litimapim nem bilong God.

Buk Song o Sam 70:1 God, plis yu ken kisim bek mi. Bikpela, yu kam hariap na helpim mi.

Buk Song o Sam 71:4 God bilong mi, kisim bek mi long han bilong ol man nogut. Ol i strong tumas na pasin bilong ol i nogut tru.

Buk Song o Sam 71:13 Dispela ol man i sutim tok long mi, yu ken daunim ol na pinisim ol tru. Ol i laik bagarapim mi, olsem na yu mas paulim ol na mekim ol i sem nogut tru.

Buk Song o Sam 72:12 Em i save helpim ol rabisman i singaut long em. Na ol manmeri i sot long ol samting na i no gat helpim, orait em yet bai i helpim ol.

Buk Song o Sam 76:12 Em i save daunim ol king i bikhet. Em i save pretim tru ol king bilong graun.

Buk Song o Sam 79:9 God, yu God bilong kisim bek mipela. Tingting long biknem bilong yu na helpim mipela. Kisim bek mipela na rausim olgeta sin bilong mipela, na bai mipela i litimapim nem bilong yu.

Buk Song o Sam 86:17 Bikpela, mi laik yu mekim samting bilong soim mi yu laikim mi. Olsem na ol birua i ken luksave long yu i bin helpim mi na strongim mi. Na ol i ken sem tru long pasin bilong ol.

Buk Song o Sam 91:14,15 God i tok olsem, “Bai mi kisim bek ol man i laikim mi tru, na bai mi lukautim gut ol man i save tru long mi. 15 Taim ol i prea long mi bai mi harim prea bilong ol. Na sapos hevi i kamap long ol bai mi stap wantaim ol. Na bai mi kisim bek ol na givim biknem long ol.

Buk Song o Sam 92:11 Mi lukim pinis ol birua bilong mi i bagarap, na mi harim krai bilong ol man nogut.

Buk Song o Sam 103:10 Yumi inap kisim pe nogut bilong sin bilong yumi, tasol em i no save givim dispela pe nogut long yumi. Yumi bin mekim planti pasin nogut, na em inap bekim bikpela hevi long yumi, tasol em i no save mekim olsem.

Buk Song o Sam 104:9 Yu putim mak pinis na solwara i no ken kalapim

dispela mak. Olsem na solwara i no inap karamapim olgeta graun gen.
Buk Song o Sam 107:6 OI i stap nogut olsem, orait ol i singaut long Bikpela,
na em i bin mekim gutpela wok tru bilong helpim ol.

Buk Song o Sam 118:10,12 Planti birua i raunim mi, tasol long strong bilong
Bikpela mi pinisim ol. 12 OI i raunim mi olsem planti binatang. Tasol ol i
dai kwiktaim olsem paia long kunai i dai. Long strong bilong Bikpela mi
pinisim ol.

Buk Song o Sam 121:7,8 Bikpela bai i was long yu bai samting nogut i no ken
bagarapim yu. Em bai i lukautim yu. 8 Taim yu lusim haus Bikpela bai i
lukautim yu. Na taim yu kam bek em bai i was yet long yu, nau na long
olgeta taim bihain.

Buk Song o Sam 138:3 Taim mi singaut long yu, yu bin harim prea bilong mi,
na yu givim strong bilong yu yet long mi na mi stap strong olgeta.

Buk Song o Sam 140:1,4,5 Bikpela, yu ken helpim mi bai ol man nogut i no
inap bagarapim mi. Yu ken lukautim mi gut bai ol man bilong pait i no inap
birua long mi. 4 Bikpela, yu mas lukautim mi gut bai strong bilong ol man
nogut i no inap winim mi. Banisim mi na ol man bilong pait i tok long
bagarapim mi, bai ol i no inap mekim wanpela samting long mi. 5 OI
bikhettman i putim umben i stap bilong holimpas mi. Dispela umben ol i
wokim long baklain ol i taitim long rot bilong mi bilong kisim mi olsem
abus.

Buk Song o Sam 142:6 Yu harim mi i singaut long yu long helpim mi. Long
wanem, bel bilong mi i hevi tru. OI man i mekim nogut long mi ol i strong
tumas, na mi no inap winim ol. Olsem na yu mas kisim bek mi long han
bilong ol.

Buk Song o Sam 143:9 Bikpela, mi go long yu bilong yu lukautim mi. Yu ken
kisim bek mi long han bilong ol birua bilong mi.

Buk Song o Sam 147:14 Em i save lukautim graun bilong yupela, na mekim
gutpela wit tru i kamap long gaden na yupela i kaikai na i pulap.

Buk Song o Sam 149:6-9 OI i ken singaut na amamas long God na holim
bainat i sap moa. 7 Na ol i ken pait long ol arapela lain, na mekim save
long ol na daunim ol. 8 Na ol i ken pasim ol king na ol hetman bilong ol
birua long sen ol i wokim long ain. 9 Na ol i ken mekim save long ol dispela
lain, olsem God i tok. OI manmeri bilong God i ken win olsem tasol.
Litimapim nem bilong Bikpela!